

Wustawki Towarstwa Cyrila a Metoda z.t.

§ 1 Mjeno a sydło

1. Towarstwo mjenuje so „Towarstwo Cyrila a Metoda z.t.“. Němske pomjenowanje je „Cyrill-Methodius-Verein e.V.“. Skrótšenka towarstwoweho mjena je „TCM“. Wona wužiwa so serbsce a němsce.
2. Sydło towarstwa je Budyšin.
3. Towarstwo je w towarstwowym registrje Wokrjesneho sudnistwa Budyšin zapisane.
4. TCM je z čonom Domowiny, zwjazka Łužiskich Serbow

§ 2 Zaměry a nadawki

1. „Towarstwo Cyrila a Metoda z.t.“ je towarstwo serbskich křesćanow. Po přikładze swjateju Cyrila a Metoda, japoštołow Słowjanow a sobupatronow Europy, a dowěrjejo so na jeju zastupnu próstwu před Bohom, prócuje so towarstwo wo skutownu ewangelizaciju mjez Serbami.
2. Towarstwo nawjazuje na tradiciju serbskich cyrkwinskih a kulturnych stawiznow kaž tež na „Zjednoćenstwo Cyrila a Metoda“ a je prawniski naslědnik „Towarstwa swjateju Cyrila a Metoda“ katolskich Serbow (założeneho 1862, zakazaneho 1939 a wuswojeneho 1941).
3. Towarstwo podpěra pastoralne a kulturne žiwjenje Serbow. Prócuje so bjezwuwzačnje a direktnje wo cyrkwinske a powšitkownowužitne zaměry w zmysle wotrězka „dawki nižowace zaměry“ porjada wotedawkow.
4. Zaměr wustawkow zwoprawdža so wosebje
 - ze sobudźěłom z katolskej cyrkwju za zajimy Serbow
 - z wudawanjom „Katolskeho Posoła“, serbskeje nabožneje literatury a z rozšěrjenjom swójskich zajimow w medijach
 - ze spěchowanjom w Zakładnym zakonju zakótwjeneho posrědkowanja nabožneje wědy w serbskich kubłarnjach
 - ze spěchowanjom nabožnych nałožkow jako wuraza nabožneho žiwjenja
 - z hajanjom předewšěm nabožneje kultury w serbskich wosadach
 - ze spěchowanjom ekumeniskich kontaktow
 - z kreatiwnym zapřijećom serbskeje swojoraznosće do cyrkwinskeho a towaršnostneho žiwjenja zjawnosće
 - z budženjom stroweho narodneho wědomja mjez dorosćacej generaciju
 - ze zwiskami k druhim ludam, wosebje k etniskim mjeńšinam w duchu zjednoćeneje Europy
 - z prócowanjom wo samsne prawa za mjeńšiny
 - z angažowanjom za sprawnosć, měr a wuchowanje božeje stwórby

- z podpěru potrěbnych ludži wosebje w słowjanskim wukraju
 - z podpěru prócowanja wo zbóžnoprajenje kapłana Alojsa Andrickeho
 - z modlenjom w naležnosćach towarstwa
 - ze sobuskutkowanjom w jednotliwych korporacijach abo sekcijach
5. Towarstwo skutkuje njesebičnje a njezastupuje přenjozjadnje swójske hospodarske zajimy
 6. Srědky towarstwa wužiwaja so jeničce w zmysle wustawkow. Sobustawam njeplaći so ze srědkow towarstwa, a wopušći-li něchtó towarstwo abo rozpušći-li so wono, nimaja sobustawojo prawo na wobsydstwo towarstwa.
 7. Nichtó njesmě z wudawkow, kotrež njeslužza zaměrej towarstwa, abo z nadměrneho plaćenja lěpšiny měć.

§ 3 Sobustawstwo

1. Towarstwo ma za sobustawow wosoby a korporacije.
 - Kóždy, kiž zaměr towarstwa po § 2 podpěra, móže być ze sobustawom.
 - Skupiny, kotrež su ze zasadami a zaměrami towarstwa po § 2 přezjedne, móža być ze sobustawom jako korporacija. Z tym je jednotliwy člon skupiny zdom člon TCM.
2. Sobustawojo plaća lětnje přinošk. Wysokosć přinoška postaji hłowna zhromadźizna. Člonojo skupinow plaća přinošk w swojej skupinje. Zawěšćenski přinošk za svojich člonow zaplaći skupina na TCM.

§ 4 Přijeće a wuzamknjenje

1. Próstwa wo přistup ma so pisomnje předsydstwu zapodać. Wo přijeću rozsudži předsydstwo z wjetšinu.
2. Sobustawstwo skónči so
 - a) ze smjerću
 - b) z wustupom
 - c) z wuzamknjenjom
 - d) z rozpušćenjom teje skupiny, kotraž je jako korporacija sobustaw
3. Chce-li štó towarstwo wopušćić, ma to pisomnje předsydstwu zdžělic.
4. Škodži-li sobustaw ze svojim zadžerženjom towarstwu, móže jeho předsydstwo po wuradźowanju na hłownej zhromadźiznje wuzamknýć.

§ 5 Gremije towarstwa

Gremije towarstwa su

- a) hłowna zhromadźizna
- b) předsydstwo
- c) rozšěrjene předsydstwo
- d) k zastupowanju woprawnjene předsydstwo po § 26 Byrgarskeho zakonika

e) rewizijny wuběrk

§ 6 Předsydstwo

1. Předsydstwo wobsteji ze šěsć sobustawow, kotrychž hłowna zhromadźizna z jednorej wjetšinu wuzwoli, a jednoho duchowneho, postajeneho wot Konferency katolskich serbskich duchownych. Ma-li towarstwo jednaćela, přisłuša wón z poradźowacym hłosom předsydstwu.
2. Sobustawojo předsydstwa wola ze swojeje srjedźizny předsydu a jednoho městopředsydu.
3. Čas dźěławosće je tři lěta. Znowawuzwolenje je móžne.
4. Předsydstwo ma jako poradźowacy gremij rozšěrjene předsydstwo. Do njeho słušeja nimo člonow předsydstwa TCM wšitcy nawodža sekcijow a korporacijow kaž tež jedyn serbski zastupjer kóždeje wosadneje rady serbskich a dwurěčnych wosadow.
5. Wo schadźowanjach předsydstwa kaž tež rozšěrjeneho předsydstwa zhotowi so protokol, kotryž podpisataj nawoda zhromadźizny a protokolant.
6. Rewizijny wuběrk wobsteji z třoch člonow, kotrež njesmědža być z člonom předsydstwa.

§ 7 Skupiny

1. Dźěło towarstwa wukonja so w sekcijach a korporacijach.
2. Sekcije su tematiske dźělowe skupiny towarstwa. Wone rjaduja swoju strukturu po swójskej zamołwitosći.
3. Korporacije su samostatne mjeńše towarstwa, kotrež we wobłuku TCM skutkuja. Wone móža być wosadne abo nadwosadne.
4. Předsydstwo TCM ma nowozałoženje sekcije resp. přistup korporacije schwalić.

§ 8 Hłowna zhromadźizna

1. Předsydstwo ma znajmjeńša jónu wob lěto hłownu zhromadźiznu zwołać. Kóžde tři lěta je hłowna zhromadźizna zdom wólbna zhromadźizna.
2. Hłowna zhromadźizna ma scěhowace nadawki:
 - a) přijec lětnu rozprawu předsydstwa
 - b) přijec lětnu rozprawu skupinow
 - c) přijec rozprawu rewizijneho wuběrka
 - d) wuzwolic předsydstwo po § 6
 - e) zwěsćić wotzamknjenje zašeho hospodarskeho lěta
 - f) schwalić změny wustawkow
 - g) postajic lětny přinošk
 - h) wuzwolic rewizijny wuběrk
3. Hłowna zhromadźizna zwoła so znajmjeńša dvě njedzeli do termina přez časopis katolskich Serbow, „Katolski Posoł“; zdom wozjewi so dnjowy porjad.
4. Nawoda zhromadźizny so na hłownej zhromadźiznje wuzwoli.
5. Kóžda porjadnje zwołana hłowna zhromadźizna ma prawo wobzamknjenja. Wobzamknjenja

pláča z jednorej wjetšinu přitomnych sobustawow. Jeli ma so pláčacy rozsud zběhnyć, dyrbitej so znajmjeńša dvě třecínje přitomnych sobustawow za to wuprajíc.

6. Kóždy sobustaw ma jedyn hlós.
7. Za změnu wustawkow dyrbitej so znajmjeńša dvě třecínje přitomnych sobustawow wuprajíc.
8. Wo kóždej hłownej zhromadźiznje ma so zhotowić protokol, kotryž mataj nawoda a protokolant podpisać.

§ 9 Džěłowy porjad

1. K zastupowanju woprawnjene předsydstwo w zmysle § 26 Byrgarskeho zakonika zestaja so z předsydy, městopředsydy a jednačela. Kóždy z nich ma prawo, TCM samostatnje juristisce zastupować.
2. Jednanje towarstwa ma so wot rewizijnego wuběrka přepruwować.
3. Jednanske lěto towarstwa wotpowěduje kalendrowemu lětu.

§ 10 Rozpušćenje towarstwa

1. Jeničce k tutomu zaměrej zwołana hłowna zhromadźizna móže z wjetšinu dweju třecín přitomnych sobustawow rozpušćenje towarstwa schwalić.
2. Rozpušći-li abo zběhnje-li so towarstwo abo zhubi-li so jeho dotalny zaměr, přěndže wobsydstwo towarstwa na Drježdžansko-Mišnjanske biskopstwo. Wono ma so njeposřednje a bjezwuwzačnje za serbske pastoralne zaměry wužiwać.

§ 11 Kónčne postajenje

1. Tute wustawki su so 30. nowembra 1998 wobzamknyli.
2. Drježdžansko-Mišnjanski biskop je wustawkam 1. decembra 1998 přihłosował.

„Towarstwo Cyrila a Metoda z.t.“ bu 25. měrca 1991 pod běžnym čisłom VR 252 registra towarstwow Wokrjesneho sudnistwa Budyšin zapisane. Změny wustawkow buchu 14.02.2000 do registra towarstwow Wokrjesneho sudnistwa Budyšin zapisane.